REYALITE Sou don Ògàn







Aiden, yon moun ki resevwa yon fwa

Aiden te fèt ak yon maladi jenetik ki ra ki te domaje fwa li. Li te tèlman malad yon ti refwadisman ka voye l lopital. Li te genyen sèlman 27 mwa lè li te fè premye grèf ògàn li. Malerezman sa te mal pase, aprè twa mwa li te oblije fè yon dezyèm grèf ògàn nan fwa li. Dezyèm grèf la te byen pase e kounye a, Aiden se yon ti gason an sante ki pran plezi li nan fè karate ak jwe baskèt.

Men kisa manman li pataje "Fanmi donatè nou yo te bay pitit gason nou an yon chans pou viv yon pi bon kalite lavi. Pa gen yon jou ki pase san nou pa panse a kijan desizyon yo te pran chanje istwa lavi li pou toutan."

Nesesite Pou Don Ogàn



An mwayèn 17 moun nan peyi Etazini mouri chak jou nan rete tann pou resevwa yon ògàn pou sove lavi yo.



Prèske 10,000 moun nan Nou Yòk ap tann yon grèf ògàn pou sove lavi yo.



Maladi sik ak tansyon ka lakòz yon moun vin bezwen fè yon grèf ògàn.

Reyalite Sou Don Ogàn



Paske don ògàn sove lavi, anpil gwo relijyon selebre l kòm yon denye pi gwo jès jantiyès.



Souvan, don ògàn nan posib menm si moun nan ta fè kèk maladi.



Donatè ki pi gran nan Nou Yòk te genyen 93 zan.



Pwosesis don ògàn nan fèt yon fason strik pou pa genyen enjistis ak inegalite.



Enskri kòm yon moun kap fè don ògàn pap chanje anyen nan swen medikal ou.

1 Yon moun ki fè don ògàn ka sove jiska 8 lavi api geri jiska 75 lavi nan don tisi

Ken, yon moun ki resevwa yon ren

Gras ak yon moun ki fè don ògàn, Ken, yon moun ki rete nan Bronx depi lontan, te resevwa yon nouvo ren, ak yon dezyèm chans nan lavi I. Pandan li tap tann ren sa, Ken te pè poul fè plan pou pi devan oswa panse sou lavni an. Jodi a, Ken ap jwi lavil san problèm. Lap travay ak HIV Network of New York epi li se yon defansè nan tout vil la pou don ògàn. Nan mwa Out 2018, Ken te vwayaje nan Utah poul te patisipe nan jwèt Transplant Games of America, yon bagay li pa tap kapab fè si li pat gen yon nouvo ren.

Kijan Ou Ka Ede?



Pale ak moun ou renmen yo de sipò w nan koze don ògàn yon fason pou sove lavi ak ede lòt moun.



Enskri pou enrejistre non w kòm yon donatè ògàn. Vizite LiveOnNY.org.



Swiv nou sou medya sosyal pou plis enfòmasyon sou don @LiveOnNewYork.

LiveOnNY

LiveOnNY se yon òganizasyon san bi likratif ki fasilite don ògàn ak grèf ògàn nan anpil zòn nan Nou Yòk City. Ekip nou an travay avèk lopital nan lokalite a ak nan sant kote yo fè grèf ògàn pou nou bay lavi ki se yon kado a prèske 10,000 Nouyòkè kap tann yon grèf ògàn ki ka sove lavi yo. Nou pran an konsiderasyon fanmi moun ki fè don ògàn yo, ki bay kado lavi sa san okenn interè, enfome kominote a sou pouvwa don, epi pran defans moun kap tann yon grèf ògàn ki ka sove lavi li. Pou aprann plis, tanpri vizite LiveOnNY.org.

Aprann plis sou ògàn, je ak don tisi nan <u>LiveOnNY.org</u> Imel: <u>Communication@liveonny.org</u> | Telefòn: 646-291-4444